

Gieus olimpics d'enviern cun veritabla plivalur per la societad

■ **(cp) Gieus olimpics d'enviern duain vegnir realisads en Svizra mo sch'i reussescha da stgaffir ina nova generaziun da gieus che tegnan quint da la persistenza e da la plivalur per la societad. Questa visiuon da l'Uniuon Grischun 2022 vegn ussa realisada en in process accumpagnà.** Sut il titel «Persistenza – innovaziun – ierta» (PII/NIV) è vegnida constituida mesemna ina giunta independenta d'auta posiziun sut la direcziun da l'anteriur directur general da l'IOC Urs Lacotte. Gruppas da lavur vastamain represchentativas lavuran uss vi da diversas tematicas – il december vegnan preschentads ils emprims resultats.

Gieus olimpics d'enviern duain far plaschair e pussibilitar cumpetiziuns fairs tranter ils atlets. Ultra da quai vegn però era spetgà da gieus olimpics ina veritabla plivalur per il svilup social. Els duain s'effectuar a moda persistente e betg simplamain ir a fin suenter la davosa undrientscha dals victurs. La candidatu-

ra Grischun 2022 vul prender qua ina nova via ed ha creà mesemna ina giunta d'auta posiziun che s'occupa da questas pretaisas. Differentas gruppas vastamain represchentativas vegnan a furnir il december resultats concrets.

«A l'entschatta era la dumonda, schebain gieus olimpics possian insumma avair in effect duraivel en Svizra», declera Urs Lacotte. L'anteriur directur general da l'IOC presidescha sco delegà da la suprastanza da l'Uniuon Grischun 2022 la giunta PII/NIV (persistenza – innovaziun – ierta). Radund 60 personalitads da la scienza, da l'economia, da las autoritads e da las organizaziuns nunguvernamentalas (NGOs) èn sa laschadas persvader da l'idea e s'engaschan en differentas gruppas da lavur per manar la candidatura da la Svizra sin la via da la persistenza e per stgaffir cun soluziuns innovativas in'ierta dals gieus olimpics che tanscha lunsch sur ils gieus ora.

En la fasa iniziala sa tracti da crear la

basa, per exempel cun elavurar ina charta cuminaivla che oblighescha tut ils acturs en il context dals gieus olimpics da tegnair quint da l'idea da la persistenza. Pliras gruppas s'occupan gia da las dumondas per ina realisaziun persistenta da gieus olimpics l'onn 2022. Entaifer ils circuls tematics futuristics «La vita en las muntognas» e «Giuventetgna, sport e valurs olimpicas» vegnan alura sviluppads projects innovativs. A la fin duai nascher in portafegl da projects che dat a la candidatura l'attracziun che garantescha ina plivalur sociala lunsch sur il sport ora.

Urs Lacotte è persvadì ch'ins possia far fin il december emprims pass decisivs e che quels dettian a la candidatura il spiert necessari per ina midada en il temp: «Nus vulain profiter da la vigur dals gieus e chattar respostas a dumondas sociopoliticas che nus ans stuain simplamain far ozendi. Uschia vulain nus per exempel savair co ch'ils umans passentan en 30 onns lur vita en las muntognas, co che nus fruntain las sfi-

das da la midada climatica per il sport d'enviern ed il turissem u co che nus pudain intimar glied giuvna da far sport

respectond a medem mument la natira – en il sport da massa sco era en il sport d'elita.»

Ils commembers da la giunta PII/NIV «Grischun 2022»

Egger Thomas, Gruppa svizra per las regiuns da muntogna (SAB); Fischer Heinrich, ant. president dal cussegl scientific; Gadiet Brigitta M., cussegliaziun en dumondas da dretg e d'organisaziun; Gurtner Reto, Arena Alva SA, president da la direcziun da gestiun, president dal cussegl amministrativ; Kempf Hippolyt, Uffizi federal da sport; Lacotte Urs, president giunta PII/NIV; Lambert Thomas, cumissiuon d'atlets; Manson Jan Anders, Scuola politecnica federala da Losanna; Müller Hans-Ulrich, Swiss Venture Club; Netzle Stephan,

Netzle Rechtsanwälte AG; Oberle Bruno, Uffizi federal d'ambient; Pfloud Jeannine, VFF SA, traffic da persunas; Schmid Victor, Consulents Hirzel.Neef.Schmid; Schmid Jürg; Turissem Svizra; Stahl Jürg, cusseglier naziunal pps; Stettler Jürg, Scuola auta Lucerna – economia; Weber Pierre-André, Uffizi federal da sport; Responsabel per las associaziuns da sport, per occurrenzas grondas da sport e per il sport d'elita; Wetzel Hugo, Cussegl turistic Engiadina San Murezzan; Wiener Daniel, Ecos.